

# Byggðasamlag Vestfjarða um málefni fatlaðs fólks

## Reglur um afgreiðslu umsókna um skammtíavistun og verklag

### 1. gr.

Markhópur og markmið:

Samkvæmt 22. gr. laga um málefni fatlaðs fólks nr. 59/1992 með síðari breytingum „skulu foreldrar eiga kost á skammtíavistun fyrir fötluð börn sín þegar þörf krefur“.

Þjónusta skammtíavistunarinnar er tímabundin þjónusta ætluð fötluðum börnum og fullorðnum sem búa í heimahúsum. Markmið vistunarinnar er að létta álagi af fjölskyldum, veita hinum fatlaða tilbreytingu eða undirbúa flutning úr foreldrahúsum.

Í skammtíavistun skal veitt umönnun, gæsla og þjálfun þar sem það á við. Skammtíavistun er ekki búsetuúrræði.

### 2. gr

Framkvæmd þjónustunnar:

Fjölskyldusvið Ísafjarðarbæjar útvegar þjónustuna á grundvelli þjónustusamnings við Byggðasamlag Vestfjarða um málefni fatlaðs fólks (BsVest). Allir íbúar á þjónustusvæði BsVest eiga rétt til þjónustunnar að uppfylltum öðrum viðmiðum skv. reglum þessum.

### 3. gr.

Skipulag þjónustunnar:

Skipulag skammtíavistunarinnar er með þeim hætti að ákveðið er fyrirfram hvernig þjónustunni er háttað á ákveðnum tímabilum. Tímabilin eru 1. janúar - 15. maí, 16. maí – 31. ágúst og 1. september til 31. desember, en er þjónustan endurskoðuð fyrir hvert tímabil.

Skammtíavistun getur verið tvenns konar:

- I. Reglubundin dvöl samkvæmt fyrirfram gerðri áætlun.
- II. Bráðavistun sem er tímabundin dvöl samkvæmt ósk og ákvörðun hverju sinni til að létta álagi af fjölskyldum t.d. vegna óvæntra áfalla í fjölskyldum.

Ekki er litið á ferðalög og önnur leyfi fjölskyldunnar, sem hægt er að skipuleggja með fyrirvara, sem bráðavistun. Slík tilvik skal reynt að leysa ef hægt er innan skipulags skammtíavistunarinnar án aukningar mannafla.

Ákvörðun um dvalartíma er byggð á einstaklingsmiðuðu mati á þörf fyrir þjónustunni. Viðmið um hámarksþjónustu fyrir einstakling er önnur hver vika eða fjórtán dagar í mánuði. Einstaklingur getur þannig að hámarki dvalið í skammtíavistun u.þ.b. 10 virka daga í mánuði og aðra hvora helgi. Ekki er boðið upp á meiri helgarvistun í mánuði en aðra hvora helgi eða fjóra daga.

### 4. gr.

Ferill umsókna og mat á þörf:

- ✓ Umsókn um skammtíavistun berst viðkomandi félagsþjónustusvæði á þar til gerðu eyðublaði þar sem fram kemur mat umsækjenda/aðstandanda á þörf fyrir dvalartíma í skammtíavistun. Á eyðublaðinu skal koma fram að með undirskrift sinni samþykki umsækjandi/aðstandandi að félagsþjónustan leiti frekari upplýsinga um þjónustubörf hjá fagmönnum sem til þekkja.
- ✓ Félagsmálanefnd/starfsmenn félagsþjónustu viðkomandi sveitarfélags meta þörfina. Skal það gert innan fjögurra vikna frá því að umsóknin berst. Tryggja skal að allar upplýsingar sem geta haft áhrif á afgreiðslu umsóknarinnar liggi fyrir við mat á þörf fyrir þjónustu.

## Byggðasamlag Vestfjarða um málefni fatlaðs fólks

---

- ✓ Verkefnahópur BsVest fær umsóknina með fylgigögnum og umsögn frá félagsmálanefnd viðkomandi sveitarfélags. Verkefnahópurinn ákvarðar um veitingu þjónustunnar innan fjögurra vikna frá því að viðkomandi félagsþjónusta fær umsóknina.
- ✓ Við afgreiðslu umsókna skulu börn í umönnunargreiðsluflokkum Tryggingastofnunar ríkisins 1 og 2 og fullorðnir í stuðningsflokki SIS 12 eða hærri njóta forgangs. Þegar ekki er hægt að verða við öllum óskum umsækjenda skal leitast við að forgangsraða umsóknum og leysa fyrst vanda þeirra sem metnir eru í brýnustu þörf.
- ✓ Umsækjendur skulu fá skriflegt svar um afgreiðslu. Í svari skal koma fram hvort um samþykka dvöl sé að ræða eða hvort umsækjandi sé kominn á biðlista eftir skammtímavistun. Jafnframt skal boða umsækjanda og/eða aðstandanda hans á fund til að undirbúa væntanlega dvöl. Ef umsókn er synjað skal fylgja rökstuðningur synjuninni og bent á áfrýjunarleið.
- ✓ Eftir að hafa fengið jákvætt svar um dvöl í skammtímavistun skal boða umsækjanda/ aðstandanda á fund með deildarstjóra skammtímavistunarinnar til að undirbúa væntanlega dvöl. Þar er m.a. ákveðið hvernig aðlögun skuli háttað, farið yfir skipulag þjónustunnar, samning um vasapening, samskipti við aðstandendur o.fl.
- ✓ Gerður skal þjónustusamningur um alla veitta skammtímavistun. Allir þjónustusamningar eru tímabundnir og miðaðir við eitt tímabil í starfsemi skammtímavistunarinnar.
- ✓ Stöðufundur skal haldinn með deildarstjóra skammtímavistunarinnar og aðstandanda og/eða hinum fatlaða ekki síðar en mánuði eftir að dvöl hefst og farið yfir innihald þjónustunnar og hvernig hún hefur reynst.
- ✓ Áður en þjónustusamningur er endurnýjaður fyrir næsta tímabil skal lagt mat á hvernig þjónustan hefur gengið og ákvörðun um áframhaldandi þjónustu tekin. Ákvörðun um hvort veita eigi áframhaldandi þjónustu skal tekin af verkefnahópi BsVest. Ef svar um þjónustu er jákvætt fær umsækjandi og/eða aðstandandi hans tilkynningu þess efnis og gerður er nýr þjónustusamningur.

5. gr.

Málskot:

Telji umsækjandi á rétt sinn hallað skv. reglum þessum getur hann skotið ákvörðun verkefnahóps BsVest til umfjöllunar hjá Úrskurðarnefnd félagsþjónustu og húsnæðismála, Hafnarhúsinu, Tryggvagötu, 150 Reykjavík. Skal það gert innan þriggja mánaða frá því að umsækjanda barst ákvörðunin.

6. gr.

Gildistími:

Reglur þessar gilda frá og með 7.febrúar 2012

# Byggðasamlag Vestfjarða um málefni fatlaðs fólks

---

Bókun verkefnahóps Byggðasamlags Vestfjarða um málefni fatlaðs fólks:

*Í dag eru börn í skammtíavistun á Ísafirði, að fá þjónustu sem fellur ekki að nýjum reglum um þjónustu skammtíavistunar. Gert er ráð fyrir að reglurnar taki gildi 1.janúar 2012 en sú þjónusta sem samþykkt hefur verið standi óbreytt til 31.05.2012 og verði þá tekin til endurskoðunar. Gert er ráð fyrir að fyrir þann tíma verði búið að gera tímasetta áætlun um framtíðarþjónustu fyrir þessi börn sem verður hægt að vinna eftir og það myndist samfella í þjónustunni frá skammtíavistun í búsetuþjónustu.*